

վարչական տույժ նշանակելու մասին

«15» սեպտեմբերի 2020թ.

ք. Վանաձոր

Հայաստանի Հանրապետության պետական եկամուտների կոմիտեի Արևյան մաքսատուն-վարչության պետ Գարիկ Դարբինյանս, քննելով «Սպայկա» ՍՊԸ-ի մաքսային միջնորդ Արթուր Ղազարյանի (ՀՀ ք. Երևան, Ներքին Շենգավիթ, 3-րդ փ.տուն 42) կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

«Սպայկա» ՍՊ ընկերության մաքսային ձևակերպումների մասնագետ Արթուր Ղազարյանը դիմում է ներկայացրել Արևելյան մաքսատուն-վարչության Բազրատաշենի մ/կետ-բաժնի պետին (մուտք թիվ 70 առ 25.08.2020թ.) և հայտնել, որ 15.07.2020թ. «Սպայկա» ՍՊ ընկերության անունով թիվ 05100033/150720/0002950 ապրանքների հայտարարագրի լրացման ժամանակ փաստաթղթեր դաշտում տարանցման փոխադրման հայտարարագրի ծածկագիրը չի նշվել, որի պատճառով թիվ 05100041/140720/0014872 տարանցման հայտարարագիրը չի փակվել: Խնդրել է թույլտրել թիվ 05100033/150720/0002950 ապրանքների հայտարարագրում կատարել ճշգրտում:

Փաստի կապակցությամբ ՀՀ ՊԵԿ Արևելյան մաքսատուն-վարչության գլխավոր մաքսային տեսուչ-իրավաբանի կողմից 25.08.2020 «Սպայկա» ՍՊ ընկերության մաքսային ձևակերպումների մասնագետ Արթուր Ղազարյանի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 203-րդ հոդվածի հատկանիշներով:

Նշանակվել է գործի քննություն 15.09.2020 թվականին ժամը 14:30-ին, վերջինս պատշաճ ծանուցվել է, սակայն չի ներկայացել վարչական վարույթի քննարկմանը:

ՀՀ ՄՕ 219 հոդվածի 2-րդ մասի ուժով սույն վարչական գործը քննվել է վերջինիս բացակայությամբ /Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում

է. և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս/:

Ներկայացված նյութերի ուսումնասիրության արդյունքում պարզվել է, որ «Սպայկա» ՍՊ ընկերության մաքսային ձևակերպումների մասնագետ Արթուր Ղազարյանի կողմից «Սպայկա» ՍՊ ընկերության անվամբ թիվ 05100033/150720/0002950 ապրանքների հայտարարագրով «Ներքին սպառման համար բացթողում» մաքսային ընթացակարգով հայտարարագրվել է 1 անուն ապրանք: Նշված հայտարարագրի 44-րդ սյունակում տարանցման հայտարարագրի ծածկագիրը չի նշվել որի պատճառով թիվ 05100041/140720/0014872 տարանցման հայտարարագիրը չի փակվել:

Նշված հայտարարագրում ոչ ճշգրիտ տեղեկություններ ներկայացնելը չի առաջացրել մաքսային վճարների պակաս հաշվարկում կամ չհաշվարկում:

ԵԱՏՄ մաքսային օրենսգրքի օրենսգրքի 84-րդ հոդվածի 3-րդ կետով սահմանվում է՝ հայտարարատուն, անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ ներկայացնելու, ինչպես նաև մաքսային ներկայացուցչին անվավեր, այդ թվում՝ կեղծ և (կամ) ակնհայտ ոչ հավաստի (սուտ) տեղեկություններ պարունակող փաստաթղթեր ներկայացնելու համար:

Նույն օրենսգրքի 82-րդ հոդվածի 4-րդ կետի 2-րդ պարբերության համաձայն՝ հայտարարատուի, փոխադրողի, ապրանքների նկատմամբ լիազորություններ ունեցող անձի, այլ շահագրգիռ անձի անունից մաքսային գործառնությունները կարող է իրականացնել մաքսային ներկայացուցիչը, իսկ սույն Օրենսգրքով նախատեսված դեպքերում՝ այդ անձանց հանձնարարությամբ գործող այլ անձ:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների

մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Սույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության: Սույն դեպքով հայտարարատուի անունից հայտարարագիրը լրացրել է Արթուր Ղազարյանը:

ՀՀ մաքսային օրենսգրքի 203-րդ հոդվածի 1-ին մասի համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը՝ որի արդյունքում չի առաջանում մաքսային վճարների (բացառությամբ մաքսավճարի) պակաս հաշվարկում կամ չհաշվարկում, ինչպես նաև ոչսակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ 50.000 դրամի չափով:

Վարչական մարմինը գնահատելով գործում եղած բոլոր ապացույցները, բազմակողմանի և օբյեկտիվ հետազոտման վրա հիմնված ներքին համոզմամբ գալիս է այն եզրակացման, որ սույն դեպքով Արթուր Ղազարյանի արարքում առկա է 17.12.2014թ. ՀՕ-241-Ն <<Մաքսային կարգավորման մասին>> օրենքի 259 հոդվածի 4-րդ կետի ուժով գործող 06.07.2000թ. ՀՀ ՄՕ 203 հոդվածով նախատեսված մաքսային կանոնների խախտման հատկանիշներ:

Ելնելով վերոգրյալից և ղեկավարվելով ՀՀ մաքսային օրենսգրքի 221-րդ, Վարչական իրավախախտումների վերաբերյալ ՀՀ օրենսգրքի 214-րդ և 234-րդ հոդվածներով՝

Ո Ր Ո Շ Ե Ց Ի


1. ՀՀ մաքսային օրենսգրքի 203-րդ հոդվածի 1-ին մասով նախատեսված մաքսային կանոնների խախտում կատարելու համար Արթուր Ղազարյանին ենթարկել վարչական պատասխանատվության՝ տուգանելով **50.000 ՀՀ դրամ**:
2. Որոշման մասին հայտնել Արթուր Ղազարյանին պարզաբնաելով, որ այն ՀՀ մաքսային օրենսգրքի 221-րդ հոդվածի համաձայն ուժի մեջ է մտնում կայացման պահից և

Վարչարարության հիմունքների և վարչական վարույթի մասին ՀՀ օրենքի 71-րդ հոդվածի համաձայն՝ 2 ամսվա ընթացքում կարող է բողոքարկվել վերադաս մաքսային մարմին, կամ ՀՀ վարչական դատավարության օրենսգրքի 72-րդ հոդվածի 1-ին մասի 1-ին կետի համաձայն՝ 2 ամսվա ընթացքում ՀՀ վարչական դատարան:

Սույն որոշմամբ նշանակված փուլանքի վճարման հաշվեհամարն է. 900005024055 (ՀՀ պետական բյուջե, կենտրոնական գանձապետարան, Արևելյան մաքսատուն-վարչություն, ԿՈԴ 29):

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ



Գ. ԴԱՐԲԻՆՅԱՆ